



Emas Estratejiru barak vizita Alola

Fundasaun Alola hanesan NGO nasional nebe halo ligasaun diak no belun ho ema hotu iha railaran no mos ho ema estranjeiru. Iha fulan Juñu to'o agora ema barak maka halo vizita ba Fundasaun Alola (FA).

Sira nebe vizita FA husu informasaun konaba Alola nia servisu durante tinan hirak nia laran. Sira hetan informasaun kona-ba devizaun haat Alola nian hanesan edukasaun, ekonomia, saude no advokasia. Ema estranjeiru barak mai vizita Alola tanba durante konfrensia Belun Alola mos ba fa'an nia produitu lokal.

Pat Faulkner husi Curtin University Australia haksolok bele vizita Alola. Tamba membru Alola bele fo informasaun barak ba nia hodi koñese Timor klean liu. Iha parte seluk mos Jornalista husi radio no Televisaun ABC inklui jornalista husi jornal arts no cultura no The Age mos halo halo vizita ba Alola hodi hetan informasaun kona Timor no servisu Alola nia programa .

"Hau kontente tebe-tebes ho Alola nia programa nebe servisu fokus liu ba iha area rurais no feto," dehan Helen

Alende ema estranjeiru, ema Timor oan barak mos vizita FA hodi hetan informasaun no halo belun atu implementa servisu hamutuk.



Meredith Budge esprika hela Alola nia programa ba jornalista sira husi Australia nebe halo vizita

Bolsu estudu ba staf Alola

Atu kapasita funsionáriu ho matenek oin-oin hodi dezenvolve Alola ba oin nafatin, Fundasaun Alola buka bolsu estudu ba nia funsionáriu hodi ba eskola iha rai liur. Iha fulan Julhu no Agostu nia laran Alola sei haruka nia funsionáriu nain tolu ba estuda iha Australia. Funsionariu nebe'e hetan bolsu estudu ne'e mak hanesan Zulmira da Fonseca husi devizaun saude, Maria Gureti no Nuni Maria Norbe husi devizaun edukasaun.

Sira nain tolu sei eskola no kursu tuir ida-ida nia fundu diploma edukasaun iha Melbourne, Australia. Zulmira no Maria Gureti sei ba tuir kursu intensivu iha Walter Mangol Trust Seholarhip iha Melbourne Centre, no Nuni sei ba tuir kursu iha universidade RMIT English World Wide Melbourne. Ba programa ida ne'e sira nain tolu sente kontente no orgullu ho oportunidade nebe Alola fo ba sira hodi estuda hasae sira nia kapasidade tuir ida-ida nia area.

Alende ne'e Alola nia funsionariu nain ida nebe maka durante ne'e ba eskola iha rai liur fila hikas mai fali hodi reforsa liutan servisu alola nia iha nasaun foun ida ne'e. Funsionario ida ne'e mak hanesan Rui M.M. Carvalho husi devizaun dezenvolvimentu ekonomi, espesifiku dezenhu.



Funsionariu Alola foto hamutuk ho komandante Komodor William no staf USNS Mercy

Alola Simu Makina Suku Roupa 5 husi USNS Mercy

Fundasaun Alola (FA) simu ajuda makina suku roupa 5 husi hospital Terapung (USNS Mercy nebe maka halo visita iha Timor no fo konsulta ba iha povu Timor nebe maka presiza sira nia tulun. Makina roupa ne'e intrega direktamente husi komandan USNS Mercy, Komodor William A. ba iha diretora FA, Senhora Kirsty Sword Gusmao, iha sede Alola.

Komodor William hateten, ajuda nebe sira fo hanesan apoiu husi misaun USNS Mercy mai iha Timor Leste ba Alola. "Ami fo apoiu hodi ajuda Alola nia programa treinamento iha area rurais. Tamba misaun USNS Mercy ho Alola hanesan deit atu halao misaun dame no sosial," nia dehan.

Iha fatin hanesan Senhora Kirsty Sword Gusmao, kontente no haksolok ba ajuda nebe maka USNS Mercy fo ba Alola tamba ida ne'e parte hanesan servisu hamutuk ida ke'e diak entre USNS Mercy Pacific Partnership ho Alola, tamba Alola no USNS Mercy iha intrese nebe hanesan hodi taumatan ba saude, edukasaun no Dezenvolvimentu Ekonomia ba povu Timor.

Senhora Kirsty haklaken tan katak, apoiu nebe maka USNS Mercy fo ba Alola hodi suporta programa dezenvolvimentu ekonomi liu-liu ba programa feto sira nia. Tamba Alola oras ne'e dadaun iha fatin produsaun iha Taibesi entaun Makina roupa 5 ne'e mos fo ba iha fatin produsaun Alola nia iha Taibesi. Iha oportunidade ne'e, Komodor William mos visita diratamente ba fatin produsaun Taibesi hodi hare produsaun pasta no seluk-seluk iha Ne,eba.



Mira, Beti no Nuni nebe maka hetan bolsu estudu

Se mak iha Fundasaun Alola? Alola hari'i iha tinan 2002 dedika atu haforsa feto hodi hadia iha area Saúde, Edukasaun, Lideransa no Oportunidade Empre-gadu. Ekipa lideransa: CEO: Anne Finch. Programa Manager sira: MCH: Veronica Corriea & Tanya Wells-Brown; Advokasia: Alita Verdial; Edukasaun; Dezem-volvimentu Ekonomia: Bernadete da Fonseca; Manager Oficial: Marina Braz da Costa.

Lia-Tatoli husi Presidente

Benvindo ba Edisaun fulan Julhu husi Buletin Fundasaun Alola. Iha edisaun ida ne'e, ami foka em jeral ba aktividade Alola nian. Tan ne'e Ita Bo'ot sira bele lee kona ba Alola nia esforsu atu fasilita primeiru Kongressu distrital feto iha Same no lansamentu filme "Feto Hamutuk Sei Halo Diferensa".

Ita Bo'ot bele lee mos konaba bolsa estudu ne'ebe Alola fo ba nia funsionariu nain tolu, resultado servisu Servidor apoiu ba distritu sira, visita ne'ebe ekipa edukasaun halo ba eskola sira, programa formasau no programa feriadu eskola nian.

Fulan ida ne'e, Fundasaun Alola simu visita barak husi kolega no parseiru sira husi tasi balun, inklui husi pessoal roh "USNS Mercy" ne'ebe fo makina suku roupa hodi apoia ami nia atividades iha area desenvolvimento economico.

Kirsty



Sra Idelta Rodrigues lansa Filme ho Kirsty Sowrd no Elme Tan husi UNIFEM

Alola Lansa Filme 'Feto Hamutuk Sei Halo Diferensia'

Atu fó koñesimentu kona-ba knaar feto sira nian no oinsá sira bele dezenvolve no partisipa area politika no parte seluk nebe feto sira bele, Fundasaun Alola programa rua iha fulan Juñu liubá.

Programa rua ne'e maka lansa filme badak ho titulu 'Feto Hamutuk Sei Halo Diferensia' no relatóriu kampaña media kona-ba 'Feto-nia Partisipasaun iha Area Politika iha Eleisaun 2007'.

"Ami halo duplikasaun filme ida ne'e hodi fahe ba NGO lokal, Internasional no Organizaun Feto iha Timor laran tomak no hamutuk ho relatóriu kona ba partisipasaun feto iha prosesu eleisaun tinan 2007,"dehan Diretora Fundasaun Alola, Kristy Sword Gusmao iha lansamentu programa ne'e iha Salaun Treinamentu Fundasaun Alola, Dili, Tersa (24/6).

...Continua ba pagina 2.



Feto sira koalía konaba justica iha Kongressu laran

Alola fasilita primeiru kongressu distrital feto iha Same

Atu halo avaliasaun plata forma de asaun (PAO) II Kongressu Nasional Feto Timor Leste iha tinan 2004 to'o 2008 no atu indentifika nesidade no problema foun ne'ebe inan feton sira hasoru, Alola fasilita kongressu feto iha distritu nebe hala'o ba dala uluk iha Same, Distritu Manufahi loran 9 – 11 Juñu, hodi Rede Feto Timor Leste nia naran.

Kongressu ne'e mos atu asegura katak stakeholder sira bele iha komitentu atu implementa PAO husi kongressu nasional ba dala tolu. Ho mos hodi bele hatan ba feto TL ninia visaun ba iha dezenvolvimentu nasaun ida ne'e nian.

Cesilia da Foncesa nudar coordenador ba kongressu ne'e hateten, kongressu ida ne'e foin premeira ves halo no hetan feto barak mai tuir hodi fo sira nia idea konaba saida deit maka sira hasoru iha sira nia moris loro-loron iha suku no aldeia.

Kongressu feto ba dala uluk iha Same ne'e hetan antusiasmu tebes husi feto iha area nebe refere. Kongressu nebe hetan partisipante hamutuk 140 mai husi sub distritu Same, Alas Turiskai no Fatuberliu.

Isabel Cepeda Costa nudar ofisial rekursu humanus administrador distritu Manufahi hateten sente kontenti no haksolok tebes tamba foin primeraves kongressu ne'e, feto barak maka mai involve.

"Rede Feto Nasional servisu hamutuk ho Fundasaun Alola maka halao liu husi nia Servidor Suporta Distritu maka halao kordenasaun no sai mitra kerja ida diak maka bele halao aktividade ida lao ho diak no involve feto barak," dehan nia. Prezidente board Rede Feto Timor Leste, Maria Dias iha nia diskursu nebe lee husi Cecilia, coordenador kongressu distrital Same, koalía kona ba dezenvolvimentu nasaun ida ne'e nia signifika, katak Timor oan hotu-hotu iha responsabilidade atu hamutuk ka fo hanoin nebe diak. Tenke iha vontade atu aprende no implementa disciplina, lakon tempo barak liu ba ema barak nia diak ho pasiansia, hikis kosar ben no la hein deit atu simu kolen.

...Continua ba pagina 2.

Programa Distritu atu aumenta feto nia lian



Sra Idelta Rodrigues, simu filme no relatorio husi Sra Kirsty Sword Gusmao

Husi Pagina 1: Alola Lansa Filme: Ba programa ne'e Alola halibur rekursu hamutuk ho Rede Feto no UNIFEM. Feto barak iha area rurais, katak Kirsty, seidaok hare filme ne'ebé foti sira nia partisipasaun iha politika.

Husi filme ida ne'e, nia espera bele provoka diskusaun entre feto sira kona-ba asuntu partisipasaun politika no sociedade enjeral hodi bele hasa'e dignidade feto no ema ne'ebé fraku iha comunidade atu bele hetan oportunidade iha vida politika.

Program Manajer UNIFEM Timor Leste, Eline Tan hateten katak, material ne'e kualidade diak tebes tanba bele aumenta tan rekursu no instrumetu hodi halo advokasi ba feto nia partisipasaun iha politik no halo dezisaun.

Programa ne'e hetan suporta husi UNIFEM Timor Leste. Sekretária Estadu Promosaun Igualdade (SEPI), Idelta Rodrigues hateten iha nia diskursu katak "Programa ida ne'e importante tebes ba feto iha Timór laran tomak, hatudu ba feto sira katak feto hanesan faktore importante ba iha dezenvolvimentu nasaun liu-liu iha area politika.

Tuir Idelta feto nia partisipasaun iha prosesu dezenvolvimentu liu-liu iha area politika la fasil tamba ita hanesan nasaun ida ne'ebé foin hahú, ita tenke esporsu an.



Husi pagina 1: Kongresu distrital feto iha Same "Ema ida-idak hanesan feto ka mane sente ho fuan katak hau membru ida nebe hola parte ba comunidade ka distirtu ida ne'e no hau sidadaun Timor Leste, hau iha direitu husi nasaun ida ne'e no mos hau iha obrigasaun ba nasaun ida ne'e. Hau la husu deit ba nasaun ida ne'e fo saida mai hau, maibe hau halo saida ba nasaun ida ne'e," katak Prezidente board Rede Feto Timor Leste.

Rede feto Timor Leste hanesan organizasaun sumbrinha ba organizasaun feto iha Timor Leste, konvida feto sira atu halo reflesaun hamutuk iha loron tolu nia laran, atu ke'e klean liu tan realidade moris nian iha area ida-idak.

Area importante hanesan agrikultura, saude, ekonomia, edukasaun, kultura, justisa no seluk-seluk tan ne'ebe hanesan resultadu husi segundu kongresu tinan haat liu ba, saida mak ita atinji ona no saida mak seidaok.

"Hau hakarak fo hanoin ba partisipante sira katak atu bele hetan duni susesu iha konfrensia ida ne'e ita presiza iha unidade, komprensiaun ba malu hatudu husu malu, simu ema seluk nia hanoin ka kritika ne'ebe ema mai ita, buka atu ajuda malu hodi fo esplikaun lolos ba buat ruma ne'ebe ladun komprende. Liu-liu hare malu hanesan bin ho alin, feton ho nan hanoin ida deit tau hanoin hamutuk hodi dezemvolve ita no ita nia oan sira nia moris diak iha nasaun ida ne'e," nia hatete.

Alita Verdial nudar ekipa suporta Alola hateten, Resultadu hosi konferensia ida ne'e sei lori atu diskuti klean liu tan iha kongresu nasional ba dala tolu iha fulan Jullu nia laran atu nune'e bele formula plata forma de assaun ida ne'ebe diak. Kongresu ne'e sai mata dalan mai ita feto sira, hodi bele negocia ho governu, instituisaun no entidade hotu-hotu ne'ebe servisu ba dezenvolvimento nasaun ida ne'e bele implementa sira nia planu ka projetu tuir ita nia prioridade.



Ema sira diskoti ho seriu konaba prolema nebe mak mosu iha Same wanhira tuir kongresu

Servidor suporta Distritu sira hahu hetan rezultadu

Servidor Suporta Distritu (SSD) sira husi Fundasaun Alola nebe durante ne'e hala'o servisu hamutuk ho grupu feto iha 13 distritu hahu hetan rezultadu husi aktividade kuda modo, homan, soru tais no seluk tan.

Koordenador Dezenvolvimentu Komunitario, Cecilia da Fonseca hateten, Servidor Suporta Distritu servisu ho sistema referal. Servisu ho NGO hodi fo ajuda modo musan, treinamento, sasan dapur, sasan ba sede no seluk tan. Husi ajuda modo musan grupu feto sira kuda no agora sira ku dadaun hodi fa'an hanesan mos homan no soru tais no seluk tan.

Nia esplika liu tan SSD iha 13 distritu Servisu referal parte loro sae hanesan iha Baucau servisu ho NGO GTZ, MSS, CRC, Belun, Oasis, BBH, Caritas, Dioses Baucau, DA, Radio Comunidade, Madre Cannosiana no VPU, Lospalos referal ho NGO Luzeiro, Esperansa, DDA, Plan Internasional, Concern no



Policia participa iha treinamentu husi JSMP ho feto sira iha Lospalos

Ministerio Industri e Comersio no iha Viqueque referal ho NGO Belun, Gelong, DA, GTZ no radio Comunidade.

Parte loro monu hanesan distritu Ainaro referal ho NGO GTZ, Manufahi ho NGO Futuro, Aileu referal ho NGO World Vision, Timor Aid no VPU, Suai referal ho NGO Oxfam Australia, Fokupers, Timor Aid, Liquica referal ho NGO FMF radio, MSG, DA, Fokupers, Rede Feto, Caueus no Radio Comunidade, Ermera referal ho NGO DAA, Radio Comunidade, MSG, MSS no Oxfam, Maliana referal ho NGO Gender Vocal Point no Fokupers no Dili special sub distirtu Atauro referal ho NGO radio Comunidade, DA, Roman Luan no Siao.

Nia hateten tan katak, servisu hamutuk ida ne'e ho objektivu hodi hasae feto sira nia Rendimentu liu husi aktividade kuda modo, soru tais, homan no hadia feto sira nia kapasidade liu husi treinamentu hanesan gestaun, violensia bazeia ba jeneru, odubus no seluk tan.



Treinamentu Justica iha Viqueque - ho halimar rame

Visita Eskola Formasaun no Programa Feriadu

Durante fulan Juñu ekipa edukasaun husi Fundasaun Alola hala'o programa ida nebe bazeia liu ba literasia hodi Suporta labarik sira iha eskola ho atividade sira hanesan pinta, konta istória no lee istoria, jogu iha sala laran no li'ur.

Ekipa ida ne'e nafatin iha korajen atu hasoru labarik sira. Labarik sira mos kreativu no kontente ho atividade hirak ne'e. "Gosta hotu" mak liafuan nebe sira hato'o bainhira responde pergunta no sira hakarak atu bele kontinua tan loron seluk.

Iha loron ikus fulan Juñu ekipa edukasaun atende Treinamentu ida nebe kondús husi ekipa edukasaun Bendigo-Victoria kona ba literasia (oinsá hanorin labarik sira atu lee no hakerek) hodi haklean, kompleta no fasilita liu tan kapasidade ekipa edukasaun. Iha loron tuir mai ekipa edukasaun mós fasilita treinamentu hamutuk ho ekipa edukasaun Bendigo nian ba mestre/a sira iha Maubisse. iha treinamentu nee sira aprende oinsa halo livrru simples hakerek no lee istória ba labarik sira, jogu no halo diskusaun kona ba saida mak edukador sira nee nia hakarak atu sira nia estudante bele lee. Ekipa edukasaun Bendigo mos esplika liu tan kona ba: Lee maka'as (read aloud), lee hamutuk (share reading) no lee mesak (independent

reading) ba partisipante sira.

Maske rai malirin no partisipante balun hela dook husi vila maibé sira nafatin haka'as an hodi to'o iha fatin treinamentu. Edukador sira iha Maubessi hasoru difikuldade barak hanesan livru nebe limitadu, número alunu sira nebe aas liu iha sala laran, mestre/a limitadu, kondisaun eskola no difikuldade seluk tan.

Partisipante sira nebe hamutuk 72 ne'e kontente tebes tuir treinamentu ida ne'e. Ikus mai sira hetan mós sertifikadu hodi fó valor ba sira nia haka'as an iha treinamentu ne'e.

